



**Candidatus Abbreviatus Jurisprudentiae Sacrae, Hoc Est,
Juris Canonici, Secundum Gregorii Papae IX. Libros V.
Decretalium Explanati Summa, Seu Compendium**

Pichler, Vitus

Augustae Vindel., 1733

Titulus XLII. De Alienatione Judicii mutandi causâ.

[urn:nbn:de:hbz:466:1-63440](https://nbn-resolving.de/urn:nbn:de:hbz:466:1-63440)

de prædiis Minorum. Econtra si Minor, qui restituitur, pretium, pro re sibi solutum sine decreto Judicis, dilapidasset, non cogendus esset ad illud refundendum; quia non factus est ditionis? & tunc debent restituui unà cum re fructus formaliter existentes, si lædens fuit in bona fide, item fructus omnes post litis contestationem percepti.

l. 22. C. de R. V. Si vero fuit in mala fide, etiam consumpti præter existentes, imò & præcipiendo, ut alibi docetur, & insinuat l. 22. cit. Si vero restituatur Minor vel Ecclesia, tunc ipsi debent restituui fructus rei, quando & quatenus in his est læsus vel læsa.

Objic. Res fructificat domino: ergo fructus non debent restituui à lædente; quia per actum vel contractum, qui supponi debet tanquam validus, ut locum habeat Restitutio, acquisivit dominium rei.

R. Lædens factus est quidem dominus rei & fructuum, qui per se cedunt domino, sed solùm revocabiliter, & non absolute, propter privilegium restitutionis in integrum.

TITULUS XLII.

De Alienatione Judicij mutandi causa.

SUMMARIUM.

1. *Quid sit alienare Judicij mutandi causâ.*
2. *Quale remedium competit læso per talem alienationem.*

Ali-

Alienare Judicij mutandi causâ dicitur, 1
qui rem, de qua litem timet vel suspi-
catur sibi movendam, dolosè transfert
in alium vel quoad dominium, vel quoad posse-
sionem, ut Adversario rem faciat difficiliorē,
ut si credat potentiori, vel valde rixoso, vel exi-
stenti sub aliena jurisdictione. *l. 1. seqq. ff. c. 2. h.t.*
non verò, si ex justa causa vel morbi, senii, ad
solvenda debita, alienat, vel per ultimam volun-
tatem, quia tunc dolō non facere censetur.

Dico. Læsis ex prædicta alienatione succurri-
tur dupli remedio pro ipsorum voluntate eli-
gendo. 1. *actione in factum* Prætoria adversus
alienantem, vi cuius restitui debet in integrum,
quanti nempe interest læsi alium Adversarium non
habere, solvo tamen alienationis valore. *l. 1. 3.*
4. ff. h.t. ut adeò dolosè alienans resarcire de-
beat petitori expensas & alia damna atque lucrum
cessans ex alienatione fecutum. 2. *Actione in rem,*
seu utili rei vindicatione. *l. un. C. eod.* vi cuius pot-
est læsus contra possessorem rei alienatæ, imò &
contra alienantem (quia dolō desit possidere, &
hinc pro possessore habetur. *l. 27. §. 3. l. 36. ff.*
de R. V.) petere potest restitutionem in integrum,
contra quem ex prædictis voluerit.

TITULUS XLIII.

De Arbitris.

SUMMARIUM.

I. Quid & quotuplex sit arbiter, & quid arbi-
trator.

T 2

2. 3. A